

祖刻

上海中医药大学

辛酉年秋印



祖劑卷之二

萃亭施

沛沛齋父編

仲景 梔子豉湯

治汗吐下後虛煩不得眠心懊及發汗若下之而煩熱胸中窒

者傷寒五六日大下之身熱不去心中結痛者又治陽明病下之其外有熱手足溫不結胸心中懊憹不能食但頭汗出者

梔子

十四枚 擘苦寒

香豉

四合 綿裹苦寒

右二味以水四升先煮梔子得二升半內豉煮取一升半去滓分為二服溫進一服得吐



則止後服

按成無已云內經曰其高者因而越之
下者引而竭之中滿者瀉之于內其有
者瀉形以為汗其在皮者汗而發之
寒之妙雖有變通終不越此數法也傷
邪氣自表傳裏留于胸中邪在高分則可
吐之是越之之法然吐症亦自不同如未
經汗下實邪蘊鬱謂之脹實宜瓜蒂散乃
吐胸中實邪也若發汗吐下邪氣乘虛留
于胸中謂之虛煩宜用梔子豉湯乃吐胸
中虛邪也又曰酸苦湧泄為陰苦以湧吐
寒以勝熱梔子香豉相合而為吐劑宜矣
又曰凡用梔子湯病人舊微溏者不可服

仲景
梔子甘草豉湯

即梔子豉湯加甘草二兩治
症同前而少氣者蓋少氣則

氣為熱搏散而不收者甘以補之也

仲景 **梔子生薑豉湯**

即梔子豉湯加生薑五兩

熱搏逆而不散者辛以散之也

仲景 **梔子厚朴湯**

即梔子豉湯去豉加厚朴四兩

傷寒下後心煩腹滿卧起不安者蓋用梔子之苦以瀉虛煩枳朴之苦以泄腹滿也

仲景 **梔子乾薑湯**

即梔子豉湯去豉加乾薑二兩

不去微煩者蓋用乾薑之辛熱以復正氣也

仲景 **梔子蘗皮湯**

即梔子豉湯去豉加炙甘草黃柏各一兩治傷寒身黃發熱者



煎藥

仲景 梔子大黃湯

即梔子豉湯增豉六合加大黃一兩枳實五枚治酒黃疸

懊懣或

熱痛

仲景 大黃消石湯

即梔子藥皮湯去甘草增黃加大大黃消石各四兩治黃疸腹

滿小便不利而赤自汗出此為表和裏實當下之

仲景 茵陳蒿湯

用梔子豉湯去豉加茵陳蒿六兩大黃二兩治穀疸之為病寒熱不

食食即頭眩心胸不安久久發黃為穀疸又治陽明病但頭汗出身無汗劑頸而還身必發黃傷寒七八日身黃如橘子色小便不利腹微滿者成無已云小熱之氣涼以和之大熱之氣寒以取之茵陳梔子之苦寒以逐胃燥大黃之苦寒以下膠熱



仲景

瓜蒂散

治病如桂枝證頭不痛項不强寸脉微浮胸中痞鞭氣上衝咽喉不得息

者此為胸有寒也當吐之

瓜蒂

一分熬黃苦寒

赤小豆

一分酸溫

右二味各別搗篩為散已合治之取一錢匕

以香豉一合用熱湯七合煮作稀糜去滓取

汁和散溫頓服之不吐者少少加得快吐乃

止諸亡血虛家不可與服

按成無己云華陀曰四目在胸則可吐之此迎而奪之之法也千金方曰氣浮上部



南京中醫藥大學圖書館藏

填塞心胸胸中滿者吐之則愈此隨證治
之之法也大約傷寒四五日邪氣客
中之時也加之胸中煩滿氣上衝咽
得息者則爲吐證具乃可投諸吐藥
全之功有之矣又云其高者越之越
蒂香豉之苦在上者湧之湧以赤小
酸內經曰酸
苦湧泄爲陰

仲景

一物瓜蒂散

卽前方止用瓜蒂二七箇以水

陽中暍身熱疼重而脉微弱此以夏月傷
冷水水行皮中所致也又治傷寒三四日
者或覺心滿堅硬脚手心但熱變黃不治
而欲死者用瓜蒂爲細末每用一字吹鼻
令黃水出餘殘末水調服
之得嘔黃水一二升乃愈

宋氏

啗鼻瓜蒂散

用瓜蒂十四箇丁香一箇黍米四十九粒爲細末噀水取

啗鼻下

黃涎

按衍義云瓜蒂卽甜瓜蒂也瓜蒂成落其蒂在蔓莖上採得曝乾不拘多少細末量病輕重每服一二錢七膩粉一錢七以水半合調勻灌之

又治偏正頭痛久不愈服諸藥及針刺不効者以其濕在頭也瓜蒂一味爲細末以少許啗之鼻中清水徐徐出一晝夜濕盡痛止爲度此亦吐之意也經云濕氣在上以苦吐之故邪在胸中者服之邪在頭目者啗之皆吐之屬也張子和云點目出淚啗鼻瀝涕口食漉涎皆有以同乎吐也問古今吐法不一在胸中者或啗之在頭者



或吐之何也答曰頭為天之天肺為天
地鼻為肺之竅胸為肺之腑總而言
在心君之上無形之神至高之分故
錯而効之同也又治小兒久患風癰
風痺及大人風涎潮熱發則不省人
事積食勞黃疸脾濕腫滿勞熱上喘
肌熱咳嗽中滿眩暈膈實痰飲痰厥
頭痛一切胸上病患脉沉實按之有
力者並約量劑料輕重多少服之
服之良久涎自出矣如涎不出含
砂糖一塊下咽則涎出此物甚不
損人全勝石碌礪砂等藥用諸瓜
蒂藥吐不止者以麝香湯解之

本
事

勝金丸

用生薄荷半兩猪牙皂角二兩搥碎
水一升二味一處浸取汁研成膏瓜

蒂末一兩梨蘆二兩硃砂半兩將膏子搜
和丸如龍眼大以硃砂為衣溫酒化下一



九甚者二九以吐為度得吐即醒不醒不
可救或謂中風無吐法引金虎碧霞為救

且如卒暴涎生聲如引鋸牙關緊急氣閉

不行湯藥不能入命在須臾執以無吐法

可乎但不當用銀粉藥恐損脾壞人胃

耳羅謙甫方有粉霜鉛粉無梨蘆治法

元瓜蒂散

用人參去蘆五分甘草生用二錢五分

治痰飲酒積食勞留飲停滯或寒結胸中熱鬱所化

子三聖散

用防風三兩瓜蒂三兩藥蘆一兩或

度不必盡劑宜靜室煖不透風處用吐至以好醋葱湯解之

食瓜蒂散

用瓜蒂丁香各七枚小豆為末

肢浮腫殺虫去鼻中息
肉陰黃黃疸及暴急黃

經

瓜蒂散

用苦參二分甘草一分半瓜蒂
枝赤豆二七粒療傷寒汗出不渴

四日胸中惡欲吐者當吐不止
作葱豉汁解之忌海藻松菜

師深

赤小豆茯苓湯

用赤小豆三十枚茯苓六銖
瓜蒂四銖雄黃二銖甘草五

銖炙瓜萸四銖用水三升先煮小豆茯苓
取汁入合合後四藥擣為散取前汁調半

錢匕適寒溫服之須臾當吐則愈治黑
疸身體大小便正黑一方云療久黃疸

廣

瓜蒂散

用瓜蒂三分赤小豆四分熬雄黃四
兩研搗篩為散空心溫漿水服一錢

七半當吐止不吐加至二錢七寮卒
中惡心腹絞刺痛氣急脹奄奄欲絕



仲景調胃承氣湯陽明病不下心煩者

大黃四兩去皮清酒浸苦寒
甘草二兩炙甘平

芒硝半升鹹苦大寒

右三味咬咀以水三升煮取一升去滓內芒

硝更上火微煮令沸少少溫服之

成無已曰熱淫于內治以鹹寒佐以苦甘芒硝鹹寒以除熱大黃苦寒以蕩實甘草甘平助二物推陳而緩中又曰承氣湯中用甘草恐其暴下也

仲景大承氣湯陽明病脈遲汗出不惡寒身重短氣腹滿潮熱大便秘者



大黃

四兩酒洗苦寒

厚朴

半觔炙去皮苦溫

枳實

五枚炙苦寒

芒硝

三合鹹寒

右四味以水一斗先煮二物取五升去滓

大黃更煮取二升去滓內芒硝更上微火一

兩沸分溫再服得下餘勿服

成無已曰內經曰燥淫所勝以苦下之大

黃枳實之苦以潤燥除熱又曰燥淫于肉

治以苦溫厚朴之苦下結燥又曰熱淫

所勝治以鹹寒芒硝之鹹以攻蘊熱

仲

小承氣湯

即大承氣湯去芒硝減厚朴六兩枳實二枚大熱結實者與大承氣



湯小熱微結者與小承氣湯以熱不大甚
故去芒硝又以結不至堅故減厚朴枳實
也一名順氣湯一
名三物厚朴湯
成無已曰承順也傷寒入胃胃氣鬱滯
粕秘結壅而為實是正氣不得舒順也
以蕩滌實邪使正氣得以舒順是以承氣
名之又曰承氣湯下藥也用之尤宜審焉
審知大實大滿堅有燥屎乃可投之也如
非大滿則生寒熱而病不除况無滿實者
而或妄投之則結胃痞氣之病
生矣故曰傷寒有承氣之戒也
按海藏云調胃承氣湯治實而不滿即正
陽陽明是也大承氣湯治大滿大實即太
陽陽明是也小承氣湯治實而微滿即少
陽陽明是也太陽陽明正陽陽明為最高



之分故大黃但用酒浸從巔而下之也惟
少陽陽明為最下之分處三經之內故大
黃不用酒浸也非若二經而高爾若最高
之分用最下之藥則耳目昏冒咽頰腫痛
神癡不清之病有不免矣若最下之分用
最高之藥則胸中氣消日久不復虛損歲
勞之病有不免矣故仲景三承氣湯各有
主治隨經而異即不同也 又年老虛人
傷寒可下者大承氣湯調胃承氣湯皆
去硝慢火熬成玄明粉量輕重而下之

仲景

桃仁承氣湯

即大承氣湯減芒硝加桃仁一
方去枳實厚朴加桂枝桃仁治

傷寒熱毒入經結于五藏內有瘀積吐血
下血及熱結膀胱其人如狂外解而小腹
急痛者及血痢質實跌
撲損傷瘀血作痛等症

三一承氣湯

即大承氣湯加甘草治大承氣湯証腹滿實痛又治小承氣

証內熱不便又治調胃承氣湯証譫利此湯合而為一故名三一承氣湯

六一順氣湯

即大承氣湯加甘草黃芩柴胡以代大承氣小承氣調

承氣三一承氣大陷胸大柴胡六湯故名六一順氣湯順即承也

黃龍湯

即大承氣湯加甘草人參當歸治心下硬痛下利純清水譫語發渴身熱


者庸妄不識呼為漏底而用熱藥止之誤矣此因熱邪傳裏胃有燥屎名曰熱結利

俗所謂

傍流也

三化湯

即大承氣湯去芒硝加羌活治中風便溺阻隔邪氣內實者上焦滿治以



厚朴中焦滿破以枳實下焦實奪以大黃
用羌活者不離乎風也服後二便微
焦氣化故

曰三化

麻仁丸

即大承氣湯去芒硝加麻仁二
藥半觔杏仁一觔蜜丸服一名脾

丸一名潤腸丸治胃強脾弱不能運布津
液濡潤大腸大便結燥者又治跌陽脉浮
而濇小便數大
便難為脾約者

滌毒湯

即大承氣湯去厚朴枳殼加甘草牛
蒡當歸治時氣五發瘡瘍喉閉疔頭

風等

證

仲景

厚朴七物湯

即大承氣湯加生薑大
棗桂甘草治腹痛脹滿

